

vas commemoras e novs commembers ein cordialmein beinvegni d'entrar en noss'unien.

Tractandas:

1. Beinvegni
2. Elecziun da dus dumbravuschs
3. Mutaziuns
4. Prelecziun ed approbaziun dil protocol dalla radunonza da fundaziun
5. Rapport annual dil president
6. Rendaquen
7. Prelecziun ed approbaziun dils statuts revedi
8. Elecziun dalla suprastonza
9. Fixar la contribuziun annuala
10. Program da lavur; Fiasta d'uaul 30/31-7-2027
11. Varia

Per l'organisaziun dalla fiasta d'uaul, previda il fenadur 2027 ei la suprastonza dall'unien fiasta d'uaul Vuorz dependenta da Vies sustegn. Gia uss engraziein a tut las gidontras e tut ils gidonters per lur grondiusa lavur (gidontras e gidonters ord autras fracziuns ein cordialmein beinvegni). Suenten la radunonza generala envida l'Unien fiasta d'uaul tut ils presents ad in sitg en cumpignia. Per damondas stat Marc Pfister bugen a Vossa disposiziun (marcpfister@gmx.ch / 076 539 07 49).

La suprastonza



www.disentis.ch

Lubientschas da baghegiar

L'istanza da baghegiar ha concediu las suandontas lubientschas da baghegiar:

2025-1075.000

Ivan e Giuanna Desax, Via Alpettas 22, 7180 Disentis/Mustér; casa da curtin (Geräteschuppen), parcella 1728, Via Alpettas 22, 7180 Disentis/Mustér

2025-1057.000

Vischnaunca Disentis/Mustér, Via Cons 2, 7180 Disentis/Mustér; nova illuminaziun publica senda Chischliun, parcella 859, 2295, 2294, 902, Via Chischliun, 7180 Disentis/Mustér

Annunzas da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

2025-2083.000

Vischnaunca Disentis/Mustér, Via Cons 2, 7180 Disentis/Mustér; modificaziun da terren dalla senda, parcelas 2362/ 2360, Ragisch, 7183 Mumpé Medel

2025-2082.000

Bergbahnen Disentis/Mustér AG, Via Acletta 2, 7180 Disentis/Mustér; sanaziun dil tetg dalla tegia da cuolm, parcella 2541/2539, Gendusas Dado, 7180 Disentis/Mustér

**Vischnaunca Mustér –
Sera d'informaziun ils 31-10-2025**

La vischnaunca Mustér envida ad ina sera d'informaziun: **venderdis, ils 31 d'october 2025, allas 20.00, Sala Peter Kaiser, Claustra Mustér**

Temas:

Strategia e projects da svilup dils proxims 10 onns

Sin la vischnaunca da Mustér spetgan entgens projects da muntada pli gronda ils proxims onns. La sanaziun ed engrondaziun dalla serenera, la sanaziun dalla scola, il luvratori communal ed auters. Il president communal dat in sguard el futur e presenta la strategia dalla vischnaunca per ils proxims 10 onns.

Acquist parcella Couchepin/Hess

Gia dapi biars onns tscherchan las autoritads communalas da Mustér la pusseivladad d'acquistar la parcella amiez il vitg cun sia imposanta casa. La suprastonza communal presenta ina proposta per la cumpra digl entir possess dalla famiglia Couchepin-Hess cun la parcella amiez il vitg, praus ed uaul.

Project «Parc da giugs e moviment cun center d'acrobatica Mustér»

La vischnaunca da Mustér dispona da vastas purschidas per famiglias el liber. Auter vesa ei ora cun purschidas da malaura. Igl investur Marcus Weber presenta in project cun in parc da giugs ed in center d'acrobatica indoor sigl areal dil Center Fontauna.

Referents:

- Suprastonza communal
 - Marcus Weber, president Pendicularas Mustér
- Suenten las informaziuns e la discussiun vegn offeriu in aperitiv.

Suprastonza communal

Surdada dil Premi Desertina

Ils 16 da schaner 2026 surdat la vischnaunca Disentis/Mustér il premi da renconuschientscha e da promoziun, nummaus Premi Desertina. L'intenziun da quels premis eis ei da honorar persunas ni organisaziuns cun gronds merets sil sectur dalla cultura ni dil sport. Il premi da renconuschientscha ei destinaus per in engaschi extraordinari sur plirs onns, il premi da promoziun per giuvenils talentai ni per organisaziuns cun ideas ni funcziuns particularas.

Premiai vegnan persunas privatas sco era instituziuns ed organisaziuns. Ils undrai ston esser domiciliai en vischnaunca.

Nus envidein vischinas e vischins sco era uniuns ed instituziuns da far propostas per nominaziuns. Las propostas ein d'inoltrar entochen ils 7 da november 2025 alla presidenta dalla cumissiun, geraua Iris Lombris, Via Dulezi 6, 7180 Disentis/Mustér.

Las propostas san era vegnir annunziadas via posta electronica all'adressa:

educaziun@disentis.ch / cultura@disentis.ch

Dapli informaziuns:

www.disentis.ch

Cumissiun Premi Desertina

**Via Cuoz, impediments da traffic –
Conducts da scaldament ed electricis**

Naven dils 20 d'october 2025 ei previu da realisar las lavurs vid il scaldament lontan sco era vid conducts electricis ella Via Cuoz. Per las lavurs ei previu in temps da ca. treis jamnas. Per part eis ei pusseivel da carrar era durent il temps che las lavurs vegnan realisadas. Denton vegn ei ad esser necessari da serrar entgens dis la via. Davart quellas lavurs vegnan ils proprietaris da schischom informai individual cun in fegl sgulont.

Las lavurs succedan entras l'interpresa Strabag AG e las lavurs da survigilanza entras il biro d'inschignier ipz inschigniers+planisaders. En cass da damondas sa il biro ipz da sclariment davart il decuors dallas lavurs.

Bien engraziament per prender enconuschientscha e per la capientscha.

*La survigilanza da baghegiar,
ipz inschigniers+planisaders*

Seniora-Ca

Per amplificar il team Seniora-ca e segidar culs responsabels d'organisar occurrenzas per nos seniors encurin nus 1–2 persunas interessadas e motivadas.

Ulteriur essan nus fetg leds dad udir ideas e giavischs per novas intressantas occurrenzas per persunas sur 65+ en nossa vischnaunca.

Per ulteriuras informaziuns e deponer vos giavischs sa-veis sedrizzar tiels responsabels sut educaziun@disentis.ch. En num dalla suprastonza *Jris Lombris, geraua*

Controlla da habitonts

Mortori

Pius Schuoler-Manetsch, naschius ils 9 da fenadur 1937 e morts ils 19 d'october 2025

Administraziun communal

**Biblioteca populara Disentis/Mustér e
contuorn**

Versets, historias e canzuns

Vegni e tedlei versets, historias e canzuns pil pigns!

Gievgia, ils 06-11-2025 allas 9.30–10.00 uras per mummas ni babs, tats ni tattas cun affons pigns da 1 entochen 4 onns.

Nus selegrein sin vossa viseta.

Maxi, la tartaruga ed il team dalla biblioteca

Prelecziun

Venderdis, ils 31-10-2025 allas 19.30 uras envidein nus Vos alla suandonta prelecziun: Il rapper ed autur Gian-Marco Schmid, alias **Gimma** presenta siu cudisch «**Abschiede von Mut**». Entrada libra.

Vorlesung

Am Freitag, den 31.10.2025 um 19.30 Uhr laden wir Sie zuzufolgender Lesung ein: Der Bündner Rapper und Autor Gian-Marco Schmid, alias **Gimma** liest aus seinem Buch «**Abschiede von Mutter**». Der Eintritt ist frei.

Il team dalla biblioteca

Unien da dunnas Disentis/Mustér

Sentupada cun affons pigns e geniturs

Nus envidein cordialmein tut ils affons entochen treis onns (cun fargliuns e geniturs) da s'entupar, termagliar e paterlar.

Venderdis, ils 7 da november 2025, allas 09.30-11.00 en casa da scola Segnas, local artgin, ella 1. alzada.

Cordialmein envida *ressort affons*



www.falera.net

Damonda da baghegiar

Nr. 2025-0017

Di da publicaziun: Venderdis, ils 24 d' october

Petent: Stweg Casa Surselva,
Malanserstrasse 22, 7307 Jenins
Architect/ cavelti derungs AG,
Representant: Via Caplania 10, 7031 Laax
Baghetg: Sanaziun energetica cun ina nova habitaziun sut il tetg e remplazzament dil scaldament cun ina pumpa da scaldar